



ELEKTROPRIJENOS BIH ЕЛЕКТРОПРЕНОС БИХ

Broj: JN-OP-311-13/2025

Datum: 02-02-2026

PREDMET: Pojašnjenje tenderske dokumentacije

U sjedištu Ugovornog organa dana 30.1.2025. godine, pod brojem protokola: JN-OP-311-12/2025, zaprimljen je Zahtjev za pojašnjenje tenderske dokumentacije, broj: JN-OP-311/2025 u postupku javne nabavke Praćenje Vozila dostavljen od strane privrednog subjekta NEX STUDIO d.o.o u kome se traže sljedeća pojašnjenja:

Pitanje 1:

15. Tehnička i profesionalna sposobnost

b) Uveden sistem upravljanja kvalitetom (BAS ISO 9001:2015) i sistem bezbjednosti informacija (BAS ISO 27001:2013)

PITANJE: ISO/IEC 27001:2022 predstavlja važeću i noviju verziju standarda ISO/IEC 27001:2013, te Vas molimo da potvrdite da li se navedena novija verzija standarda smatra ekvivalentnom traženom standardu?

Odgovor 1:

U tenderskoj dokumentaciji u tački 15.1 stav b) je propisano da ponuđač mora imati uveden sistem upravljanja kvalitetom (BAS ISO 9001:2015) i sistem bezbjednosti informacija (BAS ISO 27001:2013) ili druge dokaze o ekvivalentnim mjerama obezbjeđenja kvaliteta za ponuđače koji nemaju pristup takvim sertifikatima;

S obzirom na to da je ISO/IEC 27001:2022 novija, važeća i unaprijeđena verzija standarda ISO/IEC 27001:2013, te da ispunjava sve zahtjeve ekvivalentnih mjera obezbjeđenja sigurnosti informacija, sertifikat ISO/IEC 27001:2022 smatra se ekvivalentnim i potpuno prihvatljivim dokazom u skladu sa uslovima iz tenderske dokumentacije

Pitanje 2:

h) Licenciranu mapu sa satelitskim prikazom

PITANJE: Molimo pojašnjenje da li se, umjesto ovjerene kopije ugovora sa ovlaštenim prodavcem/distributerom mapa sa satelitskim prikazom, može dostaviti ovjerena kopija računa ili fakture kojom se dokazuje postojanje važeće poslovne saradnje između ponuđača i navedenog ovlaštenog prodavca/distributera?

Odgovor 2:

U tenderskoj dokumentaciji kao dokaz iz tačke 15.1. stav h) jasno je propisano da je potrebno dostaviti najmanje jednu ovjerenu kopiju ugovora sa ovlaštenim prodavcem/distributerom mapa sa satelitskim prikazom.

S obzirom na to da je propisani dokaz taksativno naveden, račun, faktura ili drugi dokument ne mogu zamijeniti ugovor, te se kao dokaz prihvata isključivo dokument propisan tenderskom dokumentacijom.

Pitanje 3:

i) Prosječno godišnje više od 9 zaposlenih, u posljednje tri godine

PITANJE: Molimo pojašnjenje da li se uslov „Prosječno godišnje više od 9 zaposlenih, u posljednje tri godine" tumači kao ispunjen i u slučaju kada ponuđač ima prosječno godišnje najmanje 9 zaposlenih u navedenom periodu, odnosno da li broj 9 ulazi u traženi prag?

Odgovor 3:

U tački 15.1 stav i) tenderske dokumentacije od ponuđača je traženo da imaju Prosječno godišnje više od 9 zaposlenih, u posljednje tri godine.

Uslov „Prosječno godišnje više od 9 zaposlenih, u posljednje tri godine“ tumači se doslovno. To znači da se uslov smatra ispunjenim ako je prosječan broj zaposlenih u posljednje tri godine strogo veći od 9.

U slučaju da je prosječan broj zaposlenih tačno 9, uslov se ne smatra ispunjenim, tj. broj 9 ne ulazi u traženi prag.

Pitanje 4:

PRILOG 9 - IZJAVA O ISPUNJENOSTI USLOVA IZ ČLANA 50.

PITANJE: S obzirom na to da je za svaku stavku potrebno navesti podatke vezane za zahtjeve iz tenderske dokumentacije, možemo li Prilog 9. proširiti kako bi mogli navesti sve traženo (spisak uposlenih s detaljnim podacima, spisak vozila, spisak traženih ISO certifikata s njihovim specifikacijama i si.)?

Odgovor 4:

Prilog 9 predstavlja izjavu ponuđača o ispunjenosti uslova iz člana 50. ZJN, a u tenderskoj dokumentaciji je predviđeno da ponuđač u okviru ovog priloga „navede precizne podatke vezane za zahtjeve iz TD“.

S tim u vezi, ponuđač može po potrebi proširiti Prilog 9 dodatnim stranicama, tabelama ili prilogima, uključujući spiskove zaposlenih, vozila, ISO certifikata i druge podatke koji su traženi tenderskom dokumentacijom, pod uslovom da su svi dijelovi izjave jasno povezani sa Prilogom 9 i da su potpisani i ovjereni u skladu sa zahtjevima TD

S poštovanjem,

Predsjednik Komisije za
JN-OP-311/2025

